

諸

道德真經廣聖義卷之四十五

道德真經廣聖義卷之四十六 行

唐廣成先生杜光庭述

吾言甚易知章第七十 疏前章明用經取此章明悟理之教示其易知易知則必有宗若輕則失其意若初下詳釋易知之意夫唯下辨說不曉之由後聖之懷五以易動行之上士爾○義曰既明行意者雖難於上亡此言易知易行而迷者不知不覺以其不知於至道不能深了於戒言善法則於道信為真身若披揚而懷玉非常使之可成大道易知也而不知者信為愚矣不知而強知者聖人不取故下車次而明之也

吾言甚易知甚易行

注老君云吾所說言解理故易知簡事故易行

易行

疏老君言我所言者以暢於理暢則言忘故易知也吾所事者事於無事事簡則無為故易行也

義曰吾者老君也明此二經老君言教三寶四善儉讓謙慈皆實易知易行可以理身理國以無為為本以清靜為基清靜無為事簡理暢知之甚易行之豈難

天下莫能知莫能行 注天下之人滯言而不悟煩事而不約故莫能知莫能行 疏此歎衆生不能了言無言執言而滯教感於言教故莫能知也不能悟事無事煩事而不約迷於塵事故莫能行也 義曰代人惑於圖功輕敵不能儉讓謙慈既莫知之豈能行也且夫五千垂教雖深契重玄而導世引凡且事唯簡要無為則易悟無事則易行而奔無為無事之門趨執教滯言之路以斯致惑故莫能知勉話君宗早期了悟此老君所以戒勸也 言有宗事有君 注言者在理得理而言忘故言以無言為宗事者在功功成而不宰故事以無事為君 疏此覆釋易知易行所由宗本也君主也夫言者所以在理得理而忘言故言以不言而為宗本事者所以在功功成而道事故事以無事為君主此豈不易知易行耶

義曰了言無言有宗則易知也於事無事  
有君則易行也滯言執教則不知其宗苟  
守迷事則不知其君在乎捨執亦迷漸悟  
於道爾

夫唯無知是以不知我知

注夫唯代人無了悟之知是以不知我無  
言無事之教也

疏不我知者謂不知我也夫唯代人迷惑  
無了悟之知封著名相不能暢理於事執  
事於言滯言是以不知吾教以無言無事  
之意又解云老君言夫唯我所知惟在無  
知而天下之人用知求知是以不知我也  
義曰無言爲了言之宗歸於至理無事爲  
達事之主辨彼無爲以世人不能知故難  
知不能行故難行爾

知我者希則我者貴

注了知我忘知之意者希少法則我不言  
之教者至貴也  
疏希少也則法也老君言知我忘言辨理  
之意者至希少也若能法則我言而行之

者則可專貴矣

義曰知無言之宗固已少矣能體我無言  
爲法斯可貴焉然教本無言固言方能辨  
理教本無事固事方可探玄辨理則言自  
忘探玄則事自簡言忘事簡可與言道矣

是以聖人披褐懷玉

注披褐者晦其外懷玉者明其內故知我  
者希爾

疏褐裘也賤者之服襲裘褐者所以蔽下  
之麤衣也玉者潔潤而可比德君子言此  
者欲明聖人內心慧了外狀如愚以如愚  
之狀故云披褐以慧了之心故云懷玉  
義曰聖人之於道也隱顯同途出處同跡  
語默皆昇斯須不遺但代人不能窺聖人  
之闕奧爾智周萬行德冠九清御無爲之  
宗了無忘之旨外晦其用委跡和光內瑩  
其明鑿窮識遠故河上公注曰內雖昭昭  
外如愚頑明珠在蚌中美玉處石間是披  
褐懷玉之旨也夫道至明矣而凡愚昧之  
又莊子曰無門無傍四達皇皇非明也哉

道心惟微何往不達而下士惑之披褐者  
聖人混其外褐者賤衣與衆同也懷玉者  
聖人明其內也王者石中之美有五德焉  
潤澤而溫人之方也聽理自外可以知中  
義之方也其聲舒揚尊以遠聞智之方也

不撓而折勇之方也

行九  
也玉比德者禮記玉藻篇云古之君子必  
佩玉焉右徵角聲中民與物也左宮羽聲  
主君與事也趨以采着門外之行也行以  
肆夏登堂之樂也周旋中規反行也折旋

中矩曲行也進則揖之謂小佺也退則揚  
之謂小仰也然後玉鏘鳴也故君子在車  
則聞鑿和之聲行則鳴佩玉是以非僻之  
心無自入也世子君在不佩玉左結佩不  
使鳴也右設佩去之也居則設佩朝則結  
佩朝於君不敢使爲也齊則靖結佩屈之  
也凡帶必有佩玉唯喪則否言玉喪事也  
佩玉有衡牙君子無故玉不去身比德於  
玉焉喪與災皆謂之故也天子佩白玉而  
玄組綬公侯佩山玄玉而未組綬大夫佩

水蒼玉而純組綬世子佩瑜玉而綦組綬士佩瑞致玉而緼組綬孔子佩象環五寸而綦細綬謙不比德示不仕也環取其循而無窮也

知不知上章第七十一

此章明了心之知虛志為上首標述情有異執迷成病夫唯下結歎聖人了知是病故不強知○義曰前以知是病要隨時藏光此乃強知為之故無病為行人能了此聖心復何病之有

知不知上不知知病

注了法性空本非知法於知忘知是德之上不知知法本性是空於知強知是行之病  
疏夫法性本空而非知法聖人悟此有不知相之知於知不著故云不知是德之上此釋悟也不知知病者言常俗之人不知知法本非真實於此無知之理強謂有知有取著之縛所以為行之病此辨迷也義曰了知非知是謂真知而不知是以為上不知真知而強知之是以為病聖人

了知皆要成彼修真於知忘知自息強知之病

夫唯病病是以不病

注夫唯能病強知之病是以不為強知所病

疏眾生強知妄生見著而為病惜夫唯能病強知之病於知忘知則不為強知所病故云是以不病

義曰知強知之病而能病之是以不病者無強知之病

聖人不病以其病病是以不病

注唯聖人所以不病者以其病眾生強知之病是以不病  
疏聖人正智圓明了悟實相於知忘知故不為知之所病所以者以其病凡夫有強知之病故說真知以破之矣知之病既除真知之藥亦遺故云不病  
義曰凡代之人識因淺劣未了知真之理乃執強知之非以此循環迷失正智聖智圓備不執強知之知又了真知之理能病

強知之病不感強知之知以其病病是以不病如感者說大道是有執有為是一人言道為無執無為是執無者則病於有執有者復病於無聖人知道非有非無兩無所執能病所執是以不病義亦然矣所以

大辯若訥至知忘知顏子如愚孔光温樹三域戒慎其斯謂乎西昇經曰能知無知

道之樞機也  
人不畏威章第七十二

此章明了心之知虛志為上首標述情有異執迷成病夫唯下結歎聖人了知是病故不強知○義曰前以知是病要隨時藏光此乃強知為之故無病為行人能了此聖心復何病之有

人不畏威則大威至  
注有威而可畏謂之威言人於小不畏拙於慎微則至大可畏也  
疏有威可畏謂之威夫欲惡之來起於微末積成病累為彼大威人不能慎其細微則至於大可畏也

疏下勸人虛心靜神不取人後聖行雖成示其去取○義曰聖人於知忘知既顯強知為病又專威之可畏不畏則大威及之俾其慮慮虛心細神於辨開悟和養氣味道於玄虛人神相須貴見皆遠去取使於為累取知愛以為實然後勇於慎微

義曰君子有三畏畏天命畏大人畏聖人之言又人之立身以愛畏為本理國而有愛畏四時順為六氣序為神明交為邦國泰焉其無愛畏者神明不交災害為生理身而愛畏官以之理家以之寧疾疢不作而志氣和平其無愛畏者反是則大威至其可逆也

無狹其所居

注神所居者心也無狹者除情去欲使虛而生白

疏神所居者心也人當忘情去欲寬其其懷使靈府開豫神栖於心身乃存也

義曰神者身之主心者靈之府嗜欲不入物我都忘是非不阻於胃中則神栖於靈府也西昇經曰謀思危之首危者將不久

此使人思謀絕慮少私寡欲又曰身者神之車也神之舍也神之主人也主人安靜神則居之躁動神則去之以心能動靜變化故謂之神神能飛行并能移山此則神為靈妙之稱也神力之大不可思而議之

故修三奔行大洞則雲車龍駕出有八無飛昇三清嘯叱水火移山隔地何所不為若用之非道則敗國喪身論滯六欲飄零苦趣往反生死善惡吉凶皆由於心矣故心為靈府也

無厭其所生

注身所生者神也無厭者少私寡欲使不勞倦

疏身所生者神也厭惡也人由神而生故謂神為所生也神明託虛好靜人當洗心

息慮神自歸之若嗜欲漬神營為潛性則精氣散越散越則生欲故勸云無厭所生之神以存長久之道

義曰身之生也因道稟神而生其形夫神者陰陽之妙也形者陰之體也氣者陽之靈也人身既生假神以運因氣以屈伸神氣全則生神氣亡則死故形為神之宅神為形之主宜可厭而去之耶且所生我身大約有三一曰精二曰神三曰氣受生之始道付之以氣天付之以神地付之以精

三者相合而生其形人當受精養氣存神則能長生若一者散越則錯亂而成疾耗竭而致亡不愛此三者是散而弃之也氣散神往身其死矣得不戒而保之哉此三者能生其身故曰所生也

夫唯不厭是以不厭

注夫唯人不厭神是以神亦不厭人也

疏善貸曰道資形曰神人能愛道存神故云夫唯不厭除垢止念惟精惟一神不厭人故云是以不厭

義曰貸假也資稟也垢惡也夫惟修道之人養神愛氣實懷虛寂神則常存神不厭人人可長久除垢止念者西昇經老君將昇太微戒尹喜之詞也曰除垢止念靜心守一眾垢除萬事畢吾道之要也惟精惟一者尚書大禹謨為舜命禹踐位之詞也曰人心惟危道心惟微危則難安微則難明惟精惟一可以允執厥中也

是以聖人自知不自見  
疏自知者反照內省防害於微令無可畏

之事不自見者不自彰見其材能炫耀於物違理失常以招患也

義曰夫人不炫已能彰已行故尚書曰惟不伐天下莫與汝爭功惟不矜天下莫與汝爭能但內照舍光周鑒四海固無可畏之事矣理身及此則功名顯而道德充也

自愛不自貴

注自知其身防所畏之事自愛其身無狀神之咎

不自見其能以犯患不自貴其身以聚怨也

疏聖人自保愛其身絕去嗜欲令神不耽身不自貴者不自矜貴其身凌虐於物以聚怨爾

義曰葆和谷神希言養氣絕嗜禁欲抑非損惡此自愛也輕裘肥馬甘食美衣華宇文階崇軒大厦自貴也自愛則神安心泰自貴則奉已害民傷財欲怨故曰有道之君以樂樂人無道之君以樂樂身樂人則

人從樂身則人叛也

故去彼取此

注去彼見貴取此知愛

疏去彼自見自貴取此自知自愛聖人得年等智了法性空理無去取開教引凡寓言之爾

義曰自見者不明自貴者不長故貴以身為天下若可寄天下故聖人去之而不取自知者明自愛者寧故曰愛以身為天下若可托天下言聖人內愛其神外愛其民也高言者寄需立言以教神俗言聖人非有去彼取此之行立理以勸人爾

道德真經廣聖義卷之四十六

道德真經廣聖義卷之四十七

唐廣成先生杜光庭述

勇於敢章第七十三

疏前章明遠矣威此章明勇之為成殺身之節初探敢與不取利害之味次明天通善系或人身敢後敢天網之報以善善士之勇○義曰前明士見貴之外行取如愛之內修此乃勸勇進以謹身或善勝善應之功私不言不爭之肯示以天網押之謹修然兼以死懼之今義司

勇於敢則殺勇於不取則活

注敢謂果敢言人勇於果敢從事失於謙

柔退讓必害於身故云則殺不取者則可以理身矣

疏剛決為勇必果為敢言強梁之人無所畏忌失於謙柔決於果敢犯上作亂者則是殺身之道也故云勇於敢則殺勇於不取則活者人若於事靜慎斂身知退所決在於不敢強梁犯患則是活身之道也故云勇於不取則活

義曰強梁者銳志而前自投禍患謙慎者奉身而退必保安真殺活二途昭然可驗